



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

Name of School	: PLK TANG YUK TIEN COLLEGE
學校名稱	: 保良局董玉娣中學
Name of Play 劇名	: 囚 逃
Script writer 劇作者	: 何家恒 (導師)、黎學欽 (同學)、葉梓源 (同學)、吳美蘭 (同學)

Synopsis 故事大綱 :

閉上眼，再張開，他死了。

她成為了殺人兇手。

現在她需要獨自面對一切的指責．．．．表面上。

她並不是孤身一人。

一個溫婉可憐的軀殼，存在著四個靈魂。

她，眼神流露著水汪汪的無知．．．．．

不，她的眼內只有真相。

她放空的眼眸，訴說了他無盡的迷惘……

他，只好站起來，手執利刃，狠狠地捅過去。

這是一個自我救贖的故事。



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

Scene 1

(Light up)

(在一間大屋裡，琳坐在地上，剛剛回神，另一邊琳琳很害怕的樣子，坐在地上瑟縮一角，Edward 則依在另一邊的牆邊站起來揮動酒樽)

(三人沉默)

琳： 爸爸.....爸爸.....(害怕，看見自己沾滿血的一對手)

琳： (走上台上拍枱) 發生咗啲咩事呀？

琳： 琳琳，知唔知發生咗咩事？(行近琳琳)

Y： (望一眼琳，低頭)

琳： (行近 Edward)

琳： 究竟發生左咩事呀？

E： (不屑回答)

琳： 點解會搞成咁架.....爸爸佢係咪死左啦？

Y： 死咗.....

E： 哈！乜條老嘢終於與世長辭啦？

琳： 你係咪知道啲嘢？你快啲講呀！

E： 喂，呢度係妳大小姐打毆架嘛，連妳都唔知我又點會知先得架？

琳： 我真係咩都唔知呀。琳琳你真係唔知發生咩事咩？發生左咩事呀？

琳： 咁宜家點算呀.....個個都唔知！

Y： 唔好打琳琳，琳琳應承你以後會乖㗎。

(Q 就在琳崩潰之際入，手執三人的檔案，把檔案拍打在枱上，發出巨響)

(三人立時止住)

Q： 全部人都要講！



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

Scene 2

(在 Q 的威嚴之下，三人稍為冷靜)

Q： 我嘅目的好簡單，就只係想查清楚頭先發生咗啲咩事。我習慣一開始唔會諗定任何假設，但係我份人就比較疑心重，所以希望你地全部都合作啲。我只係想知道，真相。

Q： 咁你可唔可以話俾我知，頭先究竟發生咩事？

Q： 王靜琳，我係問緊你，頭先發生左咩事？

琳： 頭先？頭先爸爸佢啱啱放工返嚟，佢又飲醉咗，攤咗條度，跟住……佢同我講咗啲嘢……（皺眉）

Q： 佢同你講咗啲咩？

琳： 話佢返工幾辛苦囉……

Q： 跟住呢？

琳： 跟住？我就返咗房啦……

Q： 再之後？

琳： ……就見到爸爸郁都唔郁，翻咗喺灘血上面……

Q： 咁中間發生過咩事？

琳： 中間？

Q： 係，由佢講完做嘢有幾辛苦至到翻咗喺灘血度。

琳： 我記得……

Q： 你諗清楚啲，中間有冇人入過你地屋企？

琳： （不回應）

Q： 你地屋企係案發現場，真係一直得你地兩個係到？你諗真啲？

琳： 我真係唔知呀！

Q： （看到）妳兩隻手……

琳： （看）手……

Q： 發生咩事？咁多傷痕嘅

琳： 我唔清楚呀，可能前幾日自己整親，但係爸爸……佢每次見到啲都會過嚟問我有冇事，幫我搽藥膏……

Q： 你啲傷痕真係自己整親嘅？

琳： 我估係……



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

Q： 到底係？定係妳估係？

琳： 我唔知呀.....

Q： 到底發生咗咩事，宜家死咗人。

琳：

Q： （在打開另一個檔案）

Q： 琳琳。

(琳琳抱著膝坐在房內一旁)

(Q 搬椅子到 Y 旁，將公仔放上去)

Q： 你係咪琳琳呀？

Q： 佢叫咩名呀？

Y： 琪琪

Q： 佢都幾得意喎！你記唔記得頭先發生過咩事？

Y： 琳琳唔知呀，真係唔知呀。

Q： 咁你今日做過啲咩？

Y：（搖頭）今日.....爸爸好唔開心，爸爸係咁喊，對住琳琳係咁喊.....琳琳知道自己唔乖唔聽話.....爸爸唔好唔開心啦.....

Q： 妳做咗啲咩令佢唔開心？

Y： 冇呀琳琳想攞住爸爸，叫爸爸唔好唔開心，冇呀真係冇呀

Q： 之後呢？

Y： 爸爸話琳琳之後都唔係到住啦，將啲野搵晒出門口，琳琳執返，爸爸又搵出去，琳琳又執返，

Q： 佢係唔係要趕妳走？

Y： 唔好呀...

(重新把身體蜷縮起來)

Q： 咁之後呢？妳地係唔係有爭執？

Y： 冇呀.....

Q： 甚至會唔會係妳地打起上嚟？

Y： 冇呀.....琳琳唔會打爸爸.....唔會打爸爸.....（抓狂）

Q： 妹妹你冷靜啲先。